

防
河
奏
議

防河奏議目次

卷八

恭謝補授副總河

恭謝

欽賜陸贄奏議

恭謝

欽賜朋黨論

恭謝秋汎議叙加級

恭謝

欽賜上諭清漢書二本

恭謝免賠蘭儀二縣漫工并免叅疎防

恭謝兼管山東黃河工程

恭謝河清加級

恭謝轉補吏部左侍郎

恭謝補授兵部尚書

恭謝

欽賜子史精華

恭謝補授吏部尚書

恭謝

欽賜古今圖書集成

恭謝

欽賜音韻闡微

恭謝

欽賜

御製人臣儆心錄

恭謝管理河南山東河道總督

恭謝

欽賜律例

恭謝秋汎議叙加級

防河奏議卷八

奏為恭謝天恩授副總河

恭謝

特授副總河

奏為恭謝

天恩敬請

聖訓事竊臣一介庸愚至微極陋荷蒙

皇上天恩授以副總河之銜肅管豫省河務臣自

揣庸才恐難勝任具摺陳情復蒙

勅下王大臣議覆仍照前議奉

旨此事依議著部行文將嵇曾筠奏摺一併發去

欽此工部備咨到

臣

隨恭設香案望

闕叩頭謝

恩訖伏念河工關係運道民生豫省堵築甫竣隄防尤屬緊要

臣

知識短淺膺茲重任實切悚

惶敢不矢慎矢勤力圖報効惟祈

訓示方畧俾有遵循得以黽勉趨事上賴聖誠昭格河流底定永慶安瀾庶幾仰報

皇上洪恩於萬一耳謹具疏恭謝

天恩敬請

聖訓伏乞

皇上睿鑒施行雍正二年閏四月十三日

奏奉

旨該部知道欽此

恭謝

欽賜陸贄奏議

題爲恭謝

聖恩事雍正二年閏四月初十日蒙

皇上恩賜臣陸贄奏議一部到武陟工所臣隨恭

設香案望

闕叩頭謝

恩祇領訖欽惟我

皇上

德懋勲華

功隆謨烈

乘乾敷化立誠敦參贊之原

啟震膺圖主敬裕治安之本

宸衷肅穆勤披覽而金鏡常昭

聖學淵深廣論思而玉編早鑑緬維唐臣陸贄實

爲前代名賢本學問而爲事功既有裨於當

日竭忠誠而陳奏議可昭示於來茲廼蒙我

皇上御製序文垂治平之典則

特行頒賜勵中外之臣工煥

睿藻於行間節目綱維悉著冠

王言於篇首精微廣大胥陳臣學愧踈庸深有慕

於酌古準今之用才慚弁陋當益勉夫忠

君愛國之忱謹以心維什襲奉爲至寶務躬
行而力踐就將仰答

洪慈謹具疏恭謝

聖恩伏祈

皇上睿鑒施行雍正二年閏四月十九日

題奉

旨該部知道欽此

恭謝

欽賜朋黨論

題爲欽奉

上諭事雍正二年九月十六日准兵部咨奉

旨頒發抄錄

上諭一道

御製朋黨論滿漢書共二本扇面連四紙裱的一

張提塘官捧齋到豫臣隨跪接至武陟工所

恭設香案望

關叩頭謝

恩祇領訖欽惟我

皇上

萬善攸同

一中建極

化隆大順彌深咨儆之忱

道合至公仰見都俞之盛盡忠補過儼聞

天語之諄詳大法小廉凜對

王言之誥誠乃靖共夙夜宜共矢夫忠誠踰躋班

聯或易流於朋黨爰抒

宸翰直窮比匪之隱微載煥

天章永示臣工之法守遵道遵路躋斯世於蕩平

無黨無偏肅官方於正直臣欽承

聖訓益凜旦明敬佩

鴻文彌深惕勵秉一誠以自矢瞻依惟注

楓宸勉三事以在公寤寐亦傾葵悃

奎章愷切祇服膺爲几案之銘

聖藻光華願什襲爲子孫之寶謹宣揚而率屬咸

恪守以持躬所有奉到

上諭並

御製朋黨論緣由理合具疏恭謝

天恩伏乞

皇上睿鑒施行雍正二年九月二十八日

題奉

旨該部知道欽此

恭謝秋汛議敘加級

奏爲恭謝

天恩事雍正二年十月十三日准工部咨欽蒙

皇上批臣恭報秋汛等事一本奉

旨據奏黃沁二水經過秋汛工程保固平穩知道
了嵇曾筠率領各官於黃沁二河堤工保固修
築雖河水泛漲俱各無虞可嘉嵇曾筠着加三
級仍行令嵇曾筠會同齊蘇勒將河工實在効
力行走勤勞顯著之員察明造冊送部議敘該

部知道欽此欽遵移咨到臣隨恭設香案望闕叩頭恭謝

聖恩訖欽惟我

皇上

道隆參贊

功著平成

四海救寧尙勤求夫民隱

兩河底定每加惠於臣工徧庶職以蒙

庥靡一夫之不獲

臣

忝膺重任未效寸長惟茲

秋汛之湍流偶逢泛漲仰賴

聖恩之廣被得慶安瀾至率屬修防原以靖共夫
職守而頻年經理並無獨出之謀猷乃奔走
微勞亦荷

九重之厪念

絲綸特賁幸邀三級之

榮加敬宣

德意於河干懼呼丕徧遠戴

恩光於

闕下感激難名受此

隆施刻圖仰報惟有率循僚屬益盡力以盡心鞏
固工程倍矢勤而矢慎庶以仰酬

高厚於萬一耳除會同河臣齊蘇勒將河工實在
効力行走勤勞顯著之員察明造冊送部議
敘外所有微臣感激愚忱謹繕疏恭謝

天恩伏祈

皇上睿鑒施行雍正二年十月二十日

題奉

旨該部知道欽此

恭謝

欽賜上諭清漢書二本

題爲欽奉

上諭事雍正三年三月十八日奉

旨頒發

上諭清漢書二本到臣隨恭設香案望

闕叩頭謝

恩祇領訖欽惟我

皇上

智周六合

德冠三才

百度維新允矣禮明樂備

萬幾協一森然綱舉目張作

君兼以作師官箴

親製保民如同保赤

聖諭弘宣昭

德化之大原廣

教思於

盛世伏念

聖祖光前啟後六十年之大烈丕揚恭逢

皇上敬

天勤民千百國之

深仁溥被自

朝廷以及邦國靡一人不愷切提撕庠序以至

郊圻無一事不周詳

指示

誠朋黨而登俊又言言廣大精微

揆國用以沛

恩施字字纏綿諄摯良由至誠以立體本

仁育義正之

聖心是以吐辭而爲經垂

覺世牖民之至教用彰

令典普示羣工

臣仰荷

恩頒恭承

寶訓惟有公忠益勵永奉萬年法守之

良規更期敬謹宣揚咸歸一道同風之

至治謹繕疏恭謝

天恩伏祈

皇上睿鑒施行雍正三年四月二十四日

題奉

旨該部知道欽此

恭謝免賠蘭儀二縣漫工并免叅疎防

題爲

聖主恩施浩蕩微臣感激難名敬陳陳謝悃仰祈

睿鑒事雍正三年八月初五日准工部咨開本年

七月二十二日內閣抄出奉

上諭今歲入夏以來雨水過多朕念黃淮伏秋兩
汛必然水勢浩瀚甚以爲憂所以從前批發嵇
曾筠奏摺有無日不神馳黃淮兩岸之語今據
田文鏡奏稱儀封縣南岸大寨蘭陽縣北岸板

廠後兩處衝開決口各十餘丈此皆朕躬不
或用人行政有缺失之所致返躬惕厲夙夜不
安其衝決堤工田文鏡可星速會同副總河嵇
曾筠督率各屬河員併力搶築務期永久堅固
其一帶危險工程亦當增卑培薄預爲之防至
被災人民着速委能員實心確查應賑恤者卽
動用正項錢糧賑恤衝沒田地詳細估勘應豁
免者題請豁免朕從前曾命將河屬官員分別
議敘今儀封蘭陽兩處旣被衝決例應叅處但

朕自念不德其疎防各官吏止停其議叙不必
叅處并從寬免其賠修特諭欽此相應行文副
總河遵行可也爲此合咨前去查照施行等
因移咨到臣隨行布政司管河道廳一體欽
遵外今據河南管河道府廳縣詳請代爲
題謝等情到臣等欽惟我

皇上

德隆覆載

勲著平成

發帑興工固隄防於九曲

捐租賜復普樂利於千秋業已咸登衽席共慶
安瀾矣伏念臣等猥以庸材承乏河干智識
短淺防護未週以致蘭陽北岸板厰儀封南
岸大寨兩處堤工各漫塌十餘丈此皆臣等
奉職無能一時疎忽所致理應照例處分賠
修荷蒙我

皇上覆旨弘慈恩施格外

溫綸特沛恕宥臣工

諭令疎防各官不必叅處併免賠修

軫念被災人民動帑賑恤淹沒田地錢糧估勘豁免

異數殊恩逾於堯舜

深仁厚澤浹於臣民萬姓歡呼百官踴躍臣等跪

讀之下感激涕零愧汗無地查儀封縣南岸

大寨漫口已於八月十一日合龍二十二日

告竣蘭陽縣北岸板廠漫口已於八月十二

日合龍十八日告竣臣等惟有殫心竭力夙

夜黽勉率同印河各官加謹防護凡有危險工程俱應稟遵

聖訓相機增卑培薄務期永久堅固上慰

聖懷除被災人民及泮沒田地錢糧聽撫臣田文

鏡動帑賑恤估勘豁免外所有臣等感激微

忱及道府廳縣等官詳請恭謝

天恩情由理合會同河臣齊蘇勒撫臣田文鏡合

詞具

題伏祈

皇上睿鑒施行雍正三年九月十三日

題奉

旨該部知道欽此

恭謝兼管山東黃河工程

奏爲恭謝

天恩仰祈

睿鑒事雍正五年正月初三日准工部咨開雍正
四年十一月十二日吏部奉

旨近年豫省河務險工下移堤岸完固平穩山東
河務甚爲緊要向係山東巡撫管理但巡撫有
地方責任恐不能專理河務山東與河南接壤
作何令副總河嵇曾筠兼管之處著九卿會議

具奏欽此欽遵於十一月十六日吏部移送到
部該臣等會議得山東與河南接壤皆黃河
所經兩省堤工最稱險要近年豫省河務荷
蒙

皇上聖謨指示預籌鞏固

特發數十萬帑金令其增卑培薄并將從前暫緩
之大堤以及應修遙月等堤一概興修是以
豫省河工得以完固平穩乃

睿謀深遠復

頒諭旨以豫省河務險工下移山東河務甚屬緊
要巡撫有地方責任不能專理河務河南與山
東接壤作何令副總河嵇曾筠兼管之處著九
卿會議具奏欽此臣等查河工事宜本係總河
專責今河南旣設有副總河現駐河南武陟
等處與山東地方接壤兩省河工原屬一體
其山東巡撫旣有地方專責若一兼管河務
不無顧此失彼之虞理應欽遵

諭旨將山東與河南接壤之曹縣定陶曹州單縣

城武等處附近黃河地方凡一切修築堤岸等工應交與副總河嵇曾筠就近管轄至萊蕪泰安新泰等十七州縣泉源并柳長河魏河南津趙牛等河湖閘壩一切挑挖修築工程及膠萊民田陂水已經臣等於內閣學士何國宗等覆奏案內議准添設管泉通判一員令其稽查疏濬查各處地勢遠近不一且挑挖修築多係地方官經理相應仍令山東巡撫作速興修再徒駭河自山東東昌府聊

城縣起經濟南府至濱州入海計五百六十八里共歷十三州縣馬頰河自東昌府博平縣起經德州至海豐縣入海計四百九十二里共歷十州縣俱附近濟南副總河駐劄武陟相去濟南千有餘里若至濱州海豐等處則更覺遼遠前已於雍正四年七月十三日奉

旨交與御史尤清王之錡各管一處聽山東巡撫調度遵行在案應仍令山東巡撫管理俟

命下之日行文總河副總河并山東巡撫遵行可
也雍正四年十二月十九日題本月二十一

日奉

旨依議欽此抄出到部爲此合咨前去欽遵施行
等因移咨到臣隨恭設香案望

闕叩頭恭謝

天恩訖竊

臣

一介寒微才庸識短仰蒙

皇上特達之知非常之遇畀以河防重任報稱無
能愆尤叢積屢荷

聖慈高厚教育矜全臣身邀怙冒之

深仁心凜諄詳之

訓誠時深惕勵方切悚惶廼蒙我

皇上新恩再沛委任有加特頒

諭旨軫念山東河務緊要將附近黃河地方凡一

切修築堤岸等工交臣就近管轄臣仰承

恩命清夜捫心感愧交併伏念東省黃河經行曹

單等縣地方密邇運道所關尤重臣菲材蠢

負夙夜戰兢豫省堤工善後固不敢少懈修

防而山東河務經營伊始更當黽勉辦理惟
有益加奮勵殫竭駑駘務期小心修守鞏固
長堤以仰報

皇上天恩於萬一耳除臣於正月初七日前往曹
單等縣查勘堤埽工程一切事宜另行陳奏
敬請

聖訓外所有微臣仰荷

新綸感激蟻忱理合具疏恭謝

天恩伏祈

皇上睿鑒施行雍正五年正月十九日

奏奉

旨該部知道欽此

恭謝河清加級

奏爲恭謝

天恩事雍正五年三月初一日准吏部等部咨爲
請

旨事雍正五年二月十八日本部等部奏前事內
開准禮部咨稱雍正五年正月十三日恭

奏

聖世河清普天同慶一摺於本月十七日奉

旨覽諸王大臣等奏稱河水澄清二千里期逾兩

旬爲從來未有之瑞懇請陞殿慶賀朕嘗言天下至大庶務至繁斷非人主一身所能經理必賴內外臣工協力贊襄然後可以成一道同風之盛若上有涼德之主而下皆臯夔稷契之臣則工虞水火佐理有人政務亦不患其不舉若上有堯舜之主而下皆共工驩兜之輩則耳目股肱無所資藉政務亦必至於廢弛故人君之道以得人爲要而人臣之道以奉職爲先此一定之理也朕統臨萬方雖刻刻有勵精圖治之

念然必賴內外臣工共矢公忠各殫才力然後
有實政實效及於吏治民生方可以感

天和而錫繁祉不然則朕雖有勤政之念豈能事事
躬親辦理之也今見數年之中荷蒙

上天

皇考默佑疊錫嘉祥茲又有河清之上瑞朕細推天
人感應之理自非無因應是內外臣工能體朕
宵衣旰食之懷洗陽奉陰違之習分猷効職有
數端之善上合

昊天

皇考之心是以錫茲福慶以勵將來爾等試再思之
人事甫修僅有數端之善卽邀

上天

皇考之嘉貺若此倘能益竭忠誠事事皆善則其獲
福又當何如或由此而侈然自足怠惰前修則
其獲譴又當何如可不慎乎可不懼乎況天道
惡盈朕心方且因此益加戒儆所請慶賀典禮
朕必不行朕念君臣之間實屬一體

上天

皇考既垂訓於朕朕卽以此訓及諸臣

上天

皇考既賜福於朕朕卽以此福及諸臣凡屬京官自大學士尙書以下至事以上內大臣都統前鋒統領護軍統領步軍統領以下叅領以上凡屬外官自督撫以下知縣以上武官自將軍提鎮以下叅將以上俱着加一級其王公等管理部院都統事務者應如何加恩之處着宗人府議

奏自茲以往內外臣工當益加黽勉精白乃心和衷共濟矢勤矢慎秉公去私凜

天鑒之匪遙念感應之不爽以至誠至敬仰承

上天

皇考之眷佑則受福孔多永永弗替矣勉之勉之欽此欽遵移咨前來查文職京官內閣部院各衙門堂官詹事府中贊以上翰林院講讀以上并各部院衙門之郎中員外主事及與主事對品應陞員外郎等官外官自督撫學政

司道以及知府知州知縣正印官俱遵奉
諭旨加一級其六科給事中各道監察御史雖係
七品多由各部郎中員外主事補授其稽察
巡查各有職任應亦准其加級至翰林院修
撰編檢雖與科道品級相同並無專司職掌
應不准其加級在外佐貳等官以及布按二
司首領概不准其加級以上應加級現任各
官除初任及補任之員在奉

旨以前到任未及三月者俱不准其加級其新經

陞轉調補各官雖未及三月在前任內應加級者俱准於新任加級恭候

命下臣部等部行文各部院等衙門并八旗都統直隸各省督撫順天奉天府尹將軍提鎮將應加級各官註明到任日期造冊送部查核存案等因雍正五年二月十八日奉

旨翰林院修撰編修檢討亦准其加級餘依議欽此爲此合咨前去欽遵查照施行等因移咨到臣隨恭設香案望

闕叩頭恭謝

天恩訖欽惟我

皇上

堯文炳煥

禹迹遐通

勲德夙隆文武聖神由廣運

聲教遠訖東西南朔慶平成

七政齊八風協民安物阜本宵衣旰食之勤

三事備六府修上清下寧增川至日升之盛固

已瑞麥嘉禾連珠合璧苞符疊至福祉駢臻
矣茲值三陽開泰恭逢五省河清皆由我

皇上大孝格

天至仁育物朝乾夕惕敬承
聖祖之鴻庥圖治求安上感

穹蒼之默契是以兩河獻瑞九曲呈祥祚輦崑崙
堯堦永奠於九有波恬宿海

舜衣垂拱於萬年誠爲敬嘉應而報

昌期洵屬大休徵而呈

上瑞廼

聖心敬躋

睿德謙冲

命辭朝賀之儀

恩逮臣工之級寵施車服喜動班聯逾常秩以增
榮鷺序駕行齊拜舞感

洪仁之特沛山陬海澨盡騰懽臣供職河濱欣沐
滂流之

膏澤蒙

恩霄漢凜遵

訓誠於冰淵惟有殫竭微忱長祝澄清之景運率

先臯勉愈圖鞏固於金堤

臣

謹繕疏恭謝

天恩伏祈

皇上睿鑒施行雍正五年三月十三日

奏奉

旨該部知道欽此

恭謝轉補吏部左侍郎

奏爲恭謝

天恩事雍正六年正月初十日准吏部咨開雍正
五年十二月二十日奉

旨稽曾筠轉補吏部左侍郎劉師恕補授吏部右
侍郎錢以愷補授禮部右侍郎欽此查本部右
侍郎稽曾筠現任副總河相應行文知照可
也爲此合咨前去欽遵查照施行等因到臣
隨恭設香案望

闕叩頭恭謝

天恩訖竊臣葑菲庸材至愚極陋欽蒙

皇上高厚洪慈拔置卿貳復緣豫省山東堤岸有

關運道民生特奉

上諭命臣管理河干五載深慚蚊負幸賴

聖謨廣運

睿慮周詳

指示遵循安瀾永慶惟是才微任重未効寸長中

夜捫心方溪悚惕乃蒙

皇上恩綸特沛將臣轉補吏部左侍郎聞

命自天感激無地伏念晉秩幸登銓部已邀逾格
之

隆恩遷階得亞天卿尤屬非常之

曠典臣生何幸荷此

殊榮縱竭涓埃難酬

枯骨惟有事事恪遵

聖訓時時殫竭愚忱修守加勤隄防永固以期無

負

皇上拔擢深恩於萬一耳臣謹恭疏叩謝
天恩伏乞

皇上睿鑒施行雍正六年二月初八日
奏奉

旨該部知道欽此

恭謝授兵部尚書

奏爲恭謝

天恩事雍正六年三月十三日准吏部咨開本年
三月初三日奉

旨嵇曾筠補授兵部尚書仍著辦理河工事務欽
此爲此合咨前去欽遵查照施行等因到臣
隨恭設香案望

闕叩頭恭謝

天恩訖竊

臣

一介愚陋樗櫟庸材荷蒙

皇上不次拔擢洊列卿貳因河南山東黃河堤岸
爲運道民生所關特頒

諭旨授臣以副總河之職奔馳數載報稱全無夙
夜冰兢恒深儆惕上賴

睿謨廣運

聖訓精詳得以黃水安瀾河流順軌乃蒙

溫綸疊沛

寵命頻加

命臣補授兵部尙書仍著辦理河工事務驚聞

簡任感激涕零伏念

臣識淺才庸備沐

殊恩異數六年之內屢荷超遷兩省之中復叨統

轄茲復

畀以樞機重寄仍兼水土是司

臣顧何人邀茲

寵遇分愈榮而責愈重

恩愈渥而報愈難慚悚交并不知所措惟有勉竭

駑鈍永効馳驅益殫蟻忱時勤修守以期仰

答

皇上始終策勵洪恩於萬一耳

臣謹繕疏恭謝

天恩伏祈

皇上睿鑒施行雍正六年三月十九日

奏奉

旨該部知道欽此

恭謝

欽賜子史精華

題爲恭謝

天恩事雍正六年三月初六日內閣交出

皇上欽賜

御定子史精華全部到豫臣隨恭設香案望

闕叩頭謝

恩祇領訖欽惟我

皇上

德盛文明

孝隆繼述

聖神天亶周萬幾於一日午夜觀書

學問日新垂大訓於千秋西山啟秘惟

宸謨之懋著斯

祖學之彌昭恭讀子史精華一書仰見

聖祖仁皇帝

治定功成

敏求好古

萃羣言之義蘊而用其中

得一貫之指歸而握其要已纂修於館閣將宣布
乎寰區我

皇上

繩武維殷

右文倍切

聖以繼

聖乘勅幾之暇以蒐羅勸益加勤分宵旰之餘而鑒

定爰梓後先之史集用

頒中外之臣工俯察仰觀圖疇皆備廣稽博考
囊括靡遺加以擷芳藻於藝林兼收華實滙
文瀾於學海悉合淵源臣白愧空疎幸蒙
寵賜仰誦輝煌之

御序儼同日照月臨敬披璀璨之琅函何異雲蒸
霞蔚將見多士登百家之堂與益彰

帝業光華羣寮得萬世之津梁永頌

皇猷巍煥

臣

曷任感激懼忭之至理合繕疏恭謝

天恩伏祈

皇上睿鑒施行雍正六年四月三十日

題奉

旨該部知道欽此

恭謝補授吏部尙書

奏爲恭謝

天恩事雍正六年五月初六日准吏部咨開本年
四月二十五日奉

旨嵇曾筠補授吏部尙書仍辦理副總河事欽此
爲此合咨前去欽遵查照施行等因移咨到

臣隨恭設香案望

闕叩頭謝

恩訖竊臣謏陋庸才遭逢

盛世荷蒙

皇上特加任使不次超遷由詞垣而游歷卿班未
有涓埃之報以武部而兼司河務慙無尺寸
之長上賴

聖訓頻加俾得恪遵無斁是以河防永固隨時俱
慶安瀾疆畔畢修是處皆成樂土在臣工竭
誠趨事固屬職分宜然我

聖主懋賞酬庸尤極古今未有六年以內乃蒙六
晉官階兩月之中復幸兩膺

寵命疊垂

宸眷特

賜恩綸命

臣

補授吏部尙書仍辦理副總河事敬

聞之下愧悚交深伏念銓部冰銜乃六曹之

長冢卿重寄居百爾之先

臣

何人斯膺茲

異數縱殫心竭力莫報

高深卽刻骨銘肌難名感激惟有事事欽承

訓旨永爲服官之箴時時加謹修防仰副

簡畀之重庶以上報

皇上弘慈於萬一耳謹繕疏恭謝

天恩伏祈

皇上睿鑒施行雍正六年五月初十日

奏奉

旨該部知道欽此

恭謝

欽賜古今圖書集成

題爲恭謝

天恩事雍正六年八月初一日蒙

皇上欽賜古今圖書集成全部到

臣

隨恭設香案

望

闕叩頭謝

恩祇領訖欽惟我

皇上

道集大成

孝隆善述

範圍有象文章丕煥於堯天

漸被無疆聲教聿周於禹甸伏念

聖祖仁皇帝

法剛健於乾行

配含弘於坤載萬幾餘暇久昭刪定之功羣籍搜

羅更極圖書之盛我

皇上紹聞無斁續緒惟勤

特命臣工重加編校首天文而次地理經緯靡遺
明庶物而察人倫紀綱畢具金聲玉振脈絡
貫通璧合珠聯光華爛熳統六千部之赤文
綠字廣大精微萃一萬卷之碧簡縹題羣分
類聚是惟

聰明睿智作君而兼作師所以齊治均平善政由
於善教本

敬承之至意裁鑒彌精布嘉惠之

深仁洪纖備舉臣昔依侍從曾觀石室之藏近事

宣防屢拜琅函之

錫溯詞源於學海往者過來者續用彰古往今來
匯

聖澤於恩波河出圖洛出書喜洽滎河溫洛貫三
才而包六合典章總備於

皇章邁千聖而冠百王

文治原兼乎孝治珍逾鴻寶弘開奕葉之光感切
葵忱長戴

重華之運臣無任踴躍懼忭之至理合恭疏

奏謝

天恩伏乞

皇上睿鑒施行雍正六年九月二十日

題奉

旨該部知道欽此

恭謝

欽賜音韻闡微

題爲恭謝

天恩事雍正六年十一月初二日據提塘官齎捧

內閣交出

皇上欽賜音韻闡微全部到豫臣隨恭設香案望

闕叩頭謝

恩祇領訖欽惟我

皇上

運啟重華

道隆善述

大一統車書之盛同文不異於同倫

開五音聲教之先爲律實兼於爲度伏讀音韻
闡微一書仰見

盛朝文治與政治以偕隆

聖主教恩本孝思以廣運歷十年而竣事纂修已
極周詳會四海以同風平仄惟期畫一開齊
撮合別呼法於輕重之中齒舌喉唇辨收聲

於語言之表貫古今而包南北經緯分明參
天地而洽神人洪纖具舉合聲切法

國書之義類無窮按韻分音字母之標題有等
蓋緩讀則成二字急讀則成一字提其要聿
彰翻切之大綱乃律感呂而聲生呂感律而
音生邇其原足悟精微之妙蘊臣備蒙

寵錫仰

鳳藻之輝煌深愧顓愚凜葵衷之感惕採精華於
子史璧合珠聯探律曆之淵源乾旋坤運圖

書之富已集大成傳說之精俱由

欽定乃諧聲會意直窮造字之原將制樂審音更
極永言之盛

帝暉遐燭雲漢爲章天籟齊鳴宮商迭應備四聲
於一語敬陳

聖哲之詞垂三重於萬年長戴

文明之運

臣

不勝感激懼忭之至謹繕疏恭謝

天恩伏乞

皇上睿鑒施行雍正六年十二月十二日

題奉

旨該部知道欽此

恭謝

欽賜人臣做心錄

題爲恭謝

天恩事雍正六年十二月十五日蒙

皇上欽賜

世祖章皇帝御製人臣做心錄清漢文各一本到臣
隨恭設香案望

闕叩頭謝

恩祇領訖欽惟我

皇上

覺世功隆

教忠恩溥

惟精惟一契十六字之心傳

丕顯丕承垂億萬年之聖教伏讀

世祖章皇帝御製人臣儆心錄訐謏弘遠每切堯咨
舜儆之忱制作輝煌常昭禹範湯銘之訓我

皇上奉揚

祖烈用肅官方嚴

誥誠於一編聿著公私之辨統規箴於八則特申
誠僞之分蓋惟事有殊途美惡都由心造道
無中立忠良祇在躬行必須先正其心斯克
靖共爾位黨援弗植惟臣節之是敦實效宜
崇勿虛聲之是驚識明守定公爾忘私大法
小廉義以爲利冰淵自凜每深盈滿之防夙
夜不遑務竭惻忱之獻此皆臣子在公之
令典卽爲

盛朝勵俗之良模臣自愧顓蒙常存警惕荷

聖明之洞鑒感切葵衷仰

謨制之遐頒珍逾鴻寶惟時時以捧誦雖寤寐亦
用儆心且處處以提撕俾僚屬皆知滌慮矢
公矢慎敬承屬啟之

王言一德一心幸際郅隆之

聖治都俞吁咈

明良喜協於虞廷南朔東西

聲教覃敷於禹甸臣不勝感切凜遵之至理合繕

疏恭謝

天恩伏祈

皇上睿鑒施行雍正七年三月二十二日

題奉

旨該部知道欽此

恭謝管理河南山東河道總督

奏爲恭謝

天恩事雍正七年三月初二日准吏部咨開本年
二月初五日大學士等奉

上諭齊蘇勒練達老成深悉河工事務是以將嵇
曾筠爲副總河專管北河而令齊蘇勒兼理南
北兩河之事今尹繼善新管河務朕意欲令尹
繼善嵇曾筠分任南北兩河又思治河之道必
合全河形勢通行籌畫方可疏導安濶若分令

兩員管理恐有推諉掣肘之處著怡親王大學士等會同署蘇州巡撫王璣及九卿內本籍江南河南山東之人通曉河務者詳悉速議具奏
欽此臣等查得河務關係重大河流自河南至江南入海數千里間緊險工程之處甚多實非一人所能經理雍正元年

皇上特命嵇曾筠爲副總河專理北河齊蘇勒仍兼管南北二河之事數年以來河水安瀾堤工完固茲奉

諭旨尹繼善新管河務欲令尹繼善稽會筠分任
南北兩河又思治河之道必合全河形勢通行
籌畫方可疏導安瀾若分令兩員管理恐有推
諉掣肘之處著臣等會同詳議具奏欽此臣等
謹議河之南北因地而分其源委通流本屬
一貫是以上流勢緩則下亦舒徐上流勢緊
則下卽奔激修治之道必合全河形勢彼此
關照方可堵築疏導是河臣雖分兩員而辦
事應如一體請將尹繼善爲總督江南河道

提督軍務嵇曾筠爲總督河南山東河道提督軍務分管南北兩河其有江南河南山東修理工程令尹繼善嵇曾筠公同商酌會稿具題期於兩處均有利益倘有緊要搶修之處卽一面堵築一面知會亦不得借會商爲名以致遲悞工程至題補河員及奏銷錢糧等項則各歸各管庶南北既有專司而河工亦無推諉掣肘之事恭候

命下交與禮部鑄給關防等因雍正七年二月初

八日奏本月十六日奉

旨依議欽此爲此合咨前去欽遵查照施行等因
到臣隨恭設香案望

闕九叩恭謝

天恩訖竊臣一介庸愚至微極陋荷蒙

皇上殊恩不次拔擢授以河南副總河之職又復
仰承

恩命兼管山東黃河堤工任事以來皆上賴
聖謨廣運

睿慮精詳所以黃流循軌彰

盛世之休徵河水澄清應

熙朝之上瑞臣幸邀

天庇得奉安瀾敬謹遵循悚惶倍切

廼蒙

特頒諭旨令尹繼善與臣曾筠分任南北二河之

事又以治河之道必合全河形勢通行籌畫
方可疏導安瀾若分令兩員管理恐有推諉
掣肘之處

特允廷臣議奏授臣爲總督河南山東河道提督
軍務其有江南河南山東修理工程令尹繼
善與臣公同商酌會稿具題期於兩處均有
利益其有緊要搶修之處卽一面堵築一面
知會亦不得藉會商爲名以致遲悞工程至
題補河員及奏銷錢糧等項則各歸各管仰
見

皇上聖明天縱洞悉河防

指示機宜無微不照伏念臣司河漸久負罪愈深

清夜捫心彌增感愧今復荷

洪慈疊邀

曠典總督膺兩省之職任豫東昇千里之修防臣
何人斯受茲重寄惟有益加謹慎詳求疏築
之宜勤事奔馳勉竭駑駘之力和采共濟倍
凜小心務期河道深通金堤鞏固以仰報

皇上天恩於萬一耳所有一切應行事宜恭候
勅書印信頒發到日凜慎欽遵次第舉行外臣謹
繕疏恭謝

天恩伏乞

皇上睿鑒施行雍正七年三月初三日

奏奉

旨該部知道欽此

恭謝

欽賜律例

題爲恭謝

天恩事雍正七年五月十三日准律例館咨奉

旨頒發律例一部到臣欽此隨恭設香案望

闕叩頭謝

恩祇領欽遵訖欽惟我

皇上

剛健執中

聖神立法

持平愼罰登兆姓於春臺

準義揆情保羣生於壽域藹陽和而兼秋肅四
海同倫飭大法而謹小廉八方循矩雍熙有
象本

祖訓以弼教明刑董正咸宜體

天道以裁成輔相剛柔又用沐生全者同遊化日光
天偏黨潛消大會規者共識飲和食德是以
王言屢沛炳日月之照臨

帝德弘敷參宇宙之化育惟律例爲制刑之本而
科條乃聽斷之原恭逢

聖主乘乾卽命詳加釐定復荷

帝心清問務期考核酌中曰重曰輕協權衡於至
當有倫有要慎出入以無差化洽萬邦會見
祥刑有慶風同六合胥歸至善無私臣學愧
刑名忝膺河任仰

帝光之漸被詠

聖治之蕩平講讀維勤願祇承於夙夜欽遵罔斁

矢服習於在公條教丕宣綏甸要荒馴致風
清俗美準繩既定勞來匡直咸知向化傾心
慶

一人以洽兆民

令典昭垂千載享安和之福敬五刑以成三德
鴻鈞廣運萬方臻仁讓之休矣所有奉到
欽定律例緣由理合恭疏

題謝伏乞

皇上睿鑒施行雍正七年閏七月十七日

題奉

旨該部知道欽此

恭謝秋汛議敘

奏爲恭謝

天恩事雍正七年十一月二十六日准吏部咨爲
秋汛已竣等事文選清吏司案呈吏科抄出
本部題前事內開議得河東河道總督嵇曾
筠疏稱豫東二省黃河水勢消落工程穩固
三家莊大灘之內自汕深渠埽壩俱現淤灘
化險爲平等因具奏奉

旨嵇曾筠著交部議敘其在工人員著嵇曾筠分

別等次送部議敘欽此欽遵查雍正五年十月
內原任總河齊蘇勒等恭報秋汎水勢平穩
一疏經臣部遵

旨議敘各准其加一級在案今河東總河嵇曾筠
督率河員悉心防護秋汎平穩河工保護完
固永慶安澗應將嵇曾筠照例准其加一級
其在工人員俟該督分別等次報部到日議
敘可也等因雍正七年十一月十四日奉

旨嵇曾筠著加一級田文鏡總督河東河工事務

雖非專責然年來與稽會筠同寅協恭悉心料理是以堤工完固共慶安瀾田文鏡亦著加一級餘依議欽此抄出到部爲此合咨前去欽遵查照施行等因移咨到臣欽此欽遵臣隨恭設香案望

闕叩頭恭謝

天恩訖欽惟我

皇上

德邁唐堯

功高神禹

和恒景運沿流峙以凝禧

光被鴻庥婉清寧而合撰惟是導河

碩畫殫

黼座之經營治水

弘謨厯

彤廷之咨儆應疏應濬

天語叮嚀宜築宜修

王言誥誡溯黃河萬里豫東實屬要區逢汎水三

秋捍禦尤爲急務循原及委

睿算精詳發帑鳩工

湛恩汪濊

心叅造化普錫福於臣民

手畫平成致懷柔於河岳此誠曠代所無實屬生
民未有茲者河流循軌險勢皆平中泓白汕
成渠兩岸長堤鞏固穀穗禾莖遍野共蒸芝
異升以呈祥河黃沁碧恬波映麗日卿雲而
獻瑞皆由我

皇上至誠感召因之默佑

天心

大德昭宣是以顯彰

神應何意

溫綸褒敘遍及羣工謏劣微臣倖蒙加級伏念臣

職忝宣防才慚驚拙

欽褒忠節雙親邀旌表之

龍章

德厚生成累世受栽培之

愷澤祖孫父子感泣難言身體髮膚捐糜莫報乃
復

恩加晉級榮更非常

寵賜頻頒受而滋愧臣惟冰淵矢志偕督臣而益
凜寅恭肸胝施工率羣力而彌勤修守俾沁
黃諸派永歌底績之休豫充名區長頌安瀾
之慶以期仰報

聖主洪恩於萬一耳除將在工人員分別等次造
冊報部議敘外所有微臣感激愚忱謹繕疏

恭謝

天恩伏祈

皇上睿鑒施行雍正七年十二月初四日

奏奉

旨該部知道欽此